

汝等比丘觀察北方彼等比丘欲觀北方即見南方世尊復告汝等比丘觀察南方即見北方世尊復告汝等比丘觀察上方即見下方世尊復告汝等比丘觀察下方彼等比丘欲觀下方即見上方世尊復告汝等比丘隨分各各觀察餘方彼等比丘欲觀餘方即見正方世尊復告汝等比丘觀察正方彼等比丘欲觀正方即見餘方

今時世尊善能教誨彼五比丘令其內心各生歡悅使其獲證隨順正理各各歡喜時五比丘心開意解隨順世尊諮承世尊聽世尊教隨世尊心不違世尊所說教法聞說諦受奉侍世尊無暫時捨

佛本行集經卷第三十三

蘭若

反

險

狸

力

之

洩

皮

膚

自

兒

同

敞

反

曠

十

帝

末

所

三

荆

棘

下

音

京

力

磧砂大藏經

佛本行集經

卅

第六二冊

野反上苦況拍勝下蒲柯歌梵反丁侯土山對下苦  
翔翔下上吾高反商估下丘澡添上音早要誓音上  
邀華疑下所猗反猗神止違偕下蒲髮髮上即移  
反俞

佛本行集經卷第三十四

所四

隋天竺三藏法師闍那崛多譯

轉妙法輪品下

陳國才刊

今時世尊作是思惟往昔諸佛多陀阿伽度阿羅呵三藐三佛陀在何方所轉於無上微妙法輪於時世尊發是心已其地即時自然踊出異於餘方

今時世尊復如是念往昔諸佛多陀阿伽度阿羅呵三藐三佛陀云何而轉無上法輪為當坐轉為當卧轉於時世尊發是心已彼地方所即現五百師子高座世尊見此五百座已即發敬心以敬過去諸世尊故三帀圍遶

三高座已至第四座即上其上跏趺而坐譬  
如師子無有怖畏無所驚動

時憍陳如諸比丘等即白佛言希有世尊即  
今悉有如許佛來國說法也云何乃有若干  
高座尔時佛告五比丘言汝諸比丘今應當  
知此賢劫中有五百佛出現於世三佛已過  
入般涅槃我今第四出現於世餘者當來續  
復興顯

尔時世尊復如是念過去諸佛多陀阿伽度  
阿羅訶三藐三佛陀為轉金輪為轉銀輪轉  
頗梨輪轉琉璃輪為當轉於赤真珠輪轉馬  
瑙輪轉車渠輪轉虎珀輪轉珊瑚輪轉七寶  
輪為轉木輪

尔時世尊如是念時於心內發自智見知過  
去諸佛多陀阿伽度阿羅訶三藐三佛陀依  
四聖諦次第三轉十二種相因緣而轉無上  
法輪而世間中無有沙門及婆羅門或天或  
魔或梵世界無一衆生能作如是自在無畏

轉法輪者

尔時世尊箕宿月初十五日內十二日昧過  
半人影當如是時名毗闍耶難勝言北面而坐  
合於鬼宿及房宿時轉於無上清淨法輪一  
切世間無有沙門及婆羅門天魔梵等無有  
能轉如是法輪以房宿日轉輪無礙說法依  
世故以此日

尔時世尊告五比丘如是言音所謂如來有  
此言音善能教授善能慰喻能教不缺能教  
恭敬不曲不諂不麗不麗不綺不朴柔順調  
和善能作業不緩不急無有妨礙真正微妙  
善巧分明流靡甘美悅可衆情無濁無垢不

所

四

二

可毀壞無與等者離染清淨久來常捨不失  
不乏無結無縛解脫光潔不貧不吃亦不輟  
弱能為一切衆生生樂能與一切衆生身軀  
而作潤澤能發一切諸衆生心能斷慾心斷  
瞋恚心斷愚癡心能攝諸魔能破諸罪悉能  
降伏一切外道

世尊音響善能教他猶如鼓聲猶如梵聲猶如迦羅嚩伽鳥聲如帝釋聲如海波聲如地動聲崑崙震聲孔雀鳥聲拘翅羅聲命命鳥聲如鴈王聲猶如鶴聲猶如師子猛獸王聲猶如箏篋琵琶五絃箏笛等聲聞者能令一切歡喜教誨分明意喜樂聞微妙甚深無處

乏少能令衆生造諸善根聞者不空字跡分炳文句顯了義業幽邃法藏真實合時合節合三摩耶不過時授知諸根情順於法句以諸種種布施莊嚴持戒清淨忍辱舍受精進勇猛諸禪寂定奮迅神通智慧分別世間善惡慈成就樂悲無勞倦喜歡捨離建立三乘紹三寶種分別三聚淨三脫門實語訓誨智人所嘆聖所可意無量無邊猶如虛空遍至一切諸相具足

世尊如是聲音告語五比丘言汝諸比丘出家之人恒常須捨世間二事何等爲二一受慾樂凡有行動依於聚落凡夫所嘆此須棄

所

四

三

捨第二捨者自身所困受苦之處非聖所嘆不得自利不得利他此法須捨而說偈言

自身損處速棄捐 諸根境界悉須捨  
若能捨此二種法 即得甘露正真道

今時佛告諸比丘言汝等當知我如是捨彼二邊已說有中路我自證知爲開眼故爲生

智故爲寂定故爲諸通故爲覺了故爲沙門故爲涅槃故而得成就汝等比丘若欲得知出有中路如我所證爲開眼故爲生智故爲寂定故乃至涅槃入正聖道所謂正見正分別正語正業正命正精進正念正定汝等比丘此是中路我已證知爲開眼故爲生智故爲寂定故爲發諸通爲覺了故爲沙門故爲涅槃故當得成就而說偈言

如是八種正路因 除滅死生恐怖盡  
既得除滅諸業已 永更不受一切生

今時佛告諸比丘言汝等比丘至心諦聽有四聖諦何等爲四謂苦聖諦苦集聖諦苦滅

聖諦得道聖諦如此名為四種聖諦

諸比丘何等相名為苦聖諦所謂生苦老苦病苦死憂悲苦愛別離苦怨憎會苦求不得苦此諸苦故名苦聖諦

諸比丘何等名為苦集聖諦所謂此愛數數動心發思慾事處處思想是則名為苦集聖諦諸比丘何等名為苦滅聖諦所謂彼愛遠離棄捨悉除滅盡不留餘殘心及心想一切寂定是則名為苦滅聖諦諸比丘何等名為得道聖諦逮得於此八正聖路所謂正見正分別正語正業正命正精進正念正定此名滅苦得道聖諦

此苦聖諦我往昔來不從他聞於諸法中自生眼智生意生明生誓願生智慧此苦聖諦須如是知乃至未聞諸法之中生眼智慧彼苦聖諦已照知竟

梵本再疊今略要取

如是苦集聖諦不從他聞於諸法中生眼及智彼苦集法悉須滅之如是乃至苦集聖諦

所

四

四

已滅盡訖

如是苦滅聖諦不從他聞於諸法中生眼及智彼苦滅諦今應須證如是乃至生智慧已苦滅聖諦得證知盡

如是苦集滅已得道聖諦不從他聞於諸法中生眼及智彼苦集滅知得道證乃至生智

慧還從苦滅得道證竟

已上四章並皆疊道

諸比丘乃至我此四種聖諦如三轉十二因緣如實未證我未證得阿耨多羅三藐三菩提未可得言我覺了也

諸比丘我以此四聖諦三種轉如實十二相證然後始得阿耨多羅三藐三菩提如是可言我覺了也

諸比丘我於今時生智生見不散亂心正得解脫諸比丘此我最後生更不受有也

佛說如是法相之時長老憍陳如即於彼坐遠塵離垢除諸纏縛淨諸煩惱於諸法中得淨眼智所有集法一切皆滅知法滅已如實

證知譬如淨衣無有垢穢無有黑縷隨所染處而受其色如是如是彼憍陳如即於坐處諸垢皆除煩惱盡滅得法眼淨如實而知是時彼會六萬天子遠塵離垢亦於諸法得淨眼智亦爾時世尊作師子吼說是偈言

不可言說法甚深

四

真如寂靜無名字

五

最勝憍陳如先證

我所求道得不空

而有偈說

如是甚深法說時

最勝世尊慈悲行

憍陳如得淨法眼

復有諸天億万千

爾時所有地居諸天聞世尊說如是法相一時大唱作如是言仁者各知今日婆伽婆多

陀阿伽度阿羅呵三藐三佛陀在波羅柰鹿

野苑中往昔諸仙所居住處轉於無上微妙

法輪若有沙門若婆羅門若梵若魔實不能

轉如是法輪而說偈言

善哉世尊真如見

為衆轉甘露法輪

持戒禪定輻輳鉅

慙愧精進軸鋼轂

甚深無異正真說 建立是輪三界尊

今在波羅柰城邊 鹿野苑中如是轉

爾時彼處地居諸天唱是聲已其聲上徹四

天王天四王聞已復傳唱聲其聲中作如是

言說今日世尊多陀阿伽度阿羅呵三藐三

佛陀在波羅柰鹿野苑中轉於無上微妙法

輪一切世間若有沙門及婆羅門若梵若魔

實無有人能然轉者

四天王天作是聲時忉利天聞忉利天王如

是作聲夜摩天聞夜摩作聲兜率天聞兜率

作聲化樂天聞化樂作聲他化天聞他化作

聲梵天王聞時梵天王即作是言今日世尊

多陀阿伽度阿羅呵三藐三佛陀在波羅柰

鹿野苑中轉於無上微妙法輪一切世間若

有沙門及婆羅門一切魔梵實不能轉如是

次第經一念頃時上諸天各各相告其聲遍

滿如是乃至大梵天所

爾時娑婆世界之主大梵天王既聞聲已復

發如是梵音唱言今日世尊佛婆伽婆多他  
阿伽度阿羅呵三藐三佛陀在波羅柰鹿野  
苑中轉於無上微妙法輪一切世間若有沙  
門若婆羅門天人魔梵實無有人能作如是  
如法轉者如是次第至有頂天

尔時世尊當轉法輪是時天人魔梵沙門及

所

四

六

婆羅門一切世間大光普照其鐵圍山大鐵  
圍山其兩山間幽暝黑暗所有衆生受極重  
苦而此日月如是光明如是大德如是神通  
如是威力如是自在而於彼處不能照耀不  
能令光佛威神故彼處普照其中衆生得光  
明故各各相見各各相知各相謂言此處亦

復有衆生也

已上兩句  
梵本再稱

尔時世界土地所有一切樹木百卉藥草悉  
皆順時隨其種類大小各各自生莖葉華菓  
生已華自然來雨於佛上爲供養故其虛空  
中清淨無有塵霧烟霞暫起輕雲降微細雨  
以灑於地雨水清涼具八功德雨已還晴復

起微風涼冷調適四方皆淨顯現分明無有  
塵翳上界虛空諸天聚集作天音樂唱天妙  
歌雨天種種曼陀羅華并及摩訶曼陀羅華  
又雨諸天細妙之衣雨天金銀琉璃所作七  
寶蓮華復雨無量優鉢羅華波頭摩華拘物  
頭華分陀利華下如來上復雨無量種種雜  
香末香塗香散如來上散已復散如來坐處  
四面周帀方一由旬其種種華悉皆遍滿間  
無空缺

復此大地六種震動動遍動等遍動震遍震  
等遍震湧遍湧等遍湧吼遍吼等遍吼覺遍  
覺等遍覺一切衆生一向悉皆受大快樂於

所

四

七

彼時中無一衆生有慾惱者瞋恚惱者愚癡  
惱者我慢惱者貢高惱者不驚不怖無一衆  
生造作諸罪若患衆生即得除差飢渴衆生  
即得飽滿酒醉衆生皆得醒悟顛狂衆生皆  
得本心盲者得視聾者得聽若有六根不完  
具者悉得具足貧凍裸露諸衆生等皆得富

饒羸瘦衆生皆得肥滿繫閉衆生皆得解脫  
枷鎖杻械諸衆生等自然得出地獄衆生即  
得滅惱六畜衆生無有驚怖餓鬼衆生飢渴  
得定如是因緣其憍陳如得名證智

亦時長老憍陳如身如實得見一切諸法如  
實得知一切諸法如實得證一切諸法如實  
得度煩惱險路度煩惱磧度無疑處心中波  
定無有滯礙已得無畏不從他學時憍陳如  
知彼法行從坐而起頂禮佛足胡跪合掌而  
白佛言善哉世尊我入佛法世尊度我以為  
沙門與具足戒願作比丘

亦時佛告憍陳如言善來比丘入我法中行  
於梵行盡苦邊故是時長老憍陳如身即便  
出家成具足戒餘四比丘各說法要隨機教  
授而彼衆中有三比丘乞食他行唯二比丘  
稟受教誨其後三人既將食來合有六人相  
共坐食彼等已得如來說法教化承受當是  
之時次一長老跋提梨迦

隋言  
小賢

其次長老名

婆沙波

隋言  
起氣

是等二人即於坐中遠塵離垢

盡諸結惑淨煩惱界於諸法中得法眼淨所  
有結惑一切皆盡識無常法如實證知譬如  
淨衣無有黑縷無有脂膩隨所欲染正受其  
色如是如是而彼長老跋提梨迦并及長老  
婆沙波等在於彼坐遠離塵垢得淨法眼略  
說乃至即成出家得具足戒

如是次第彼後來人所乞食者如法教化如  
法攝受世尊如法示現之時彼之長老摩訶  
那摩

隋言  
大名

并及長老阿奢踰時

隋言  
調馬

即於彼

坐遠塵離垢於諸法中得淨法眼如是如是  
長老大名長老調馬即於彼坐盡煩惱垢如

所

四

八

實證知彼等自見得諸法相度法相已無復  
疑心到無畏地不從他聞於佛法中得知證  
已從坐而起頂禮佛足在於佛前胡跪合掌  
而白佛言唯願世尊聽我出家與我具戒  
亦時佛告二比丘言汝等比丘善來入我自  
說法中行於梵行正盡苦邊時二長老即成

出家得具足戒而有偈說

小賢起氣憍陳如 摩訶那摩及調馬

彼等初證知見此 如來甘露鼓法門

尔時世尊即告彼等五比丘言汝諸比丘我  
日夜恒行正念故正行行已得於無上正真  
解脫具足證知汝等比丘應當學我作如是  
念行於正行汝等亦當得此無上正真解脫  
當證知耳

尔時魔王波旬往詣佛世尊所到佛所已即  
以偈頌而白佛言

瞿曇以慾愛自纏 一切天慾及人慾  
今既自入此大縛 我決不放汝沙門

尔時世尊思惟知是魔波旬說世尊如是思  
惟知已即還以偈答波旬言

我以久脫諸愛纏 天慾人慾悉並離  
大縛我既得出訖 況復汝先被我降

尔時魔王波旬聞佛說此偈已默然而住如  
是思惟沙門瞿曇知我意行沙門釋子見我

所

四

九

心情即懷悵快苦惱不樂於彼地方沒身不  
現尔時世尊復更重告五比丘言汝等比丘  
若知諸色是無我者是色則不作惱壞相當  
不受苦應如是見應如是知如有色以色  
無我是故一切色能生惱色能生苦雖生苦  
惱亦不可得色之定性色既不定亦不可願  
色如有亦不可道願如是無其色既然受  
想行識亦復如是

彼等比丘當知於識亦無有我識若有我此  
識應當不作於惱不作於苦以識躰無不可  
得故云何乃得作如有亦不可道願如是  
無以識無我是故識能作惱作苦以識本無  
即不可願識如有如是不有

復告比丘於汝意云何識為當常為當無常  
時諸比丘即白佛言世尊此識無常佛復問  
言識既無常為苦為樂諸比丘言世尊此識  
是苦佛復告言識既是苦無常破壞非是正  
法非是常住若能如是見於識者乃可能作

如是思惟彼是於我或我是彼或我見我是於我耶諸比丘言不也世尊

佛告諸比丘汝等當知所有諸色或過去色現在未來若內若外若麤若細若上若下若近若遠一切不可作如是念彼是於我我是於彼如是如是如實正智應須如是所有一切受想行識過去未來現在內外麤細上下遠近諸識不作是念我是於彼彼是於我我

我是我如是如是如實正見當如是知佛告諸比丘汝等當知若有多聞聲聞之人能作如是思惟見者當厭離色受想行識既厭離已一切不樂既心不樂而得解脫既得

解脫當生是智我生已盡梵行已立所作已辦不受後有我如是知

尔時世尊說是法已時五比丘於有為中諸漏滅盡心得解脫當於是時此世間有六阿羅漢一是世尊五是比丘而於後時如來受記汝等比丘若知我初轉於法輪說法之時

所

四

十

不違我教最第一者謂五仙首其憍陳如比丘是也

時諸比丘聞是語已即白佛言希有世尊其憍陳如長老比丘作何善根以是因緣如來初轉無上法輪其能不違作是語已

尔時佛告諸比丘言汝等比丘至心諦聽我念往昔還在此處波羅柰城有一瓦師是時彼有一辟支佛身躰帶患欲治病故入於聚落夏將欲至其辟支佛為治病故詣瓦師邊既到彼已語瓦師言仁者瓦師汝若不辭我寄汝家一夏安坐乃至治病將息善故時彼瓦師以清淨心白辟支佛作如是言善哉大仙此語不違隨意而住我當稱力給奉大仙四事供養時彼瓦師為辟支佛去家不遠作一房屋與彼令坐安施卧具蠅拂燈脂時辟支佛即於彼夜入火三昧時彼瓦師見大火光作是思惟何故此燈如是熾明而久不滅莫彼草屋被火所燒

尔時瓦師安徐輕足至草菴所密伺看見  
辟支佛結跏而坐如大火聚熾然放光其身  
嚴然不被燒熱瓦師見已速疾却看急走而  
還後日信心倍生希有而彼尊者辟支佛住  
彼瓦師家如是寂靜經停一夏安居將養而  
彼瓦師所須四事悉皆供奉而供養之復將  
所 四 十一  
醫師遣為治病須藥療者悉皆與之而不能  
得彼辟支佛身病損差彼辟支佛既因身病  
遂便命終

尔時瓦師見彼尊者辟支佛身入般涅槃見  
已悵快憂愁不樂啼哭流淚嗚呼稱冤是時  
無量無邊人民聞彼瓦師哭泣聲已詣彼借

問言汝瓦師何故如是嗚呼而哭時彼瓦師  
向彼人輩說辟支佛神通因緣此之仙人如  
是精進如是持戒常行妙法我將醫師來為  
療治不能得瘥

尔時別有諸辟支佛唯少一人不滿五百將  
栴檀木以神通飛從空而來闍維於彼辟支

佛身訖而慰勞彼瓦師言仁者瓦師汝心應  
生歡喜踴躍遍滿於躰何以故汝既供養此  
仙人身汝此功德汝當來世大得善利汝見  
我等神通以不瓦師言見

尔時彼等諸辟支佛復語瓦師作如是言如  
今我等所作神通此之仙人神通亦然於我  
等邊此最老大時彼瓦師即問彼等辟支佛  
言尊者今居在何處所諸辟支佛報瓦師言  
去於此處有一聚落名王舍城去城不遠有  
一山名諸仙居山我等居在彼處而住

尔時瓦師即白彼等辟支佛言善來諸仙受  
我家食訖隨意去

尔時彼等諸辟支佛一切皆受彼之飯食食  
訖已後語瓦師言於當來世有佛出現汝於  
彼邊發心乞願藉此功德清淨之心聞已即  
白彼諸仙聖辟支佛言尊諸仙輩前我門師  
最老最大願我亦然於未來世當得值遇釋  
迦如來教法之中得出家者願我老大成最

上座彼等仙言願汝此誓汝成就也

尔時彼等諸辟支佛與於瓦師此誓願已即從彼處飛空而去瓦師既見辟支佛等飛騰虛空神通而行以清淨心觀彼等行合十指掌頂禮彼等

尔時瓦師見彼尊者辟支佛身入般涅槃收

所

四

十二

其舍利而起於塔莊嚴彼塔著好相輪輪內懸鈴繒綵幡幢將諸香華燒香末香塗香而以供養發誓願言藉此善根於當來世願值於彼釋迦如來彼所說法願我證知我於彼邊願成最大最老聲聞汝等比丘當知尔時彼瓦師者今此長老大憍陳如比丘是也其

憍陳如往昔供養彼辟支佛以是善根因緣力故今於我邊最初說法而得證知我復授記於諸僧內最初知法不違我心於先出家謂憍陳如比丘是也

佛本行集經耶輸陀因緣品第三十上

尔時波羅柰國去城不遠於中有一尼拘陀

樹彼樹扶疎蓊蓊滋茂其城內外一切人民

或諸王子宰相百官皆悉以時祭祀承事供養彼樹其樹所有人來乞願願我此願皆得稱可我有所作皆當得成若我成就如是事時我當祭祀奉報恩福而彼等人或復先世業種清淨或福力強成就彼因或遂現報而

隨心念謂言此樹能與我願而彼人來作大供養而報賽之復有別人來乞於願隨願亦成若復有人來彼樹間乞求男女其人先業福德因緣而得男女而彼等人各心念言彼等樹能與我男女彼等人來各大祭祀作大供養報償彼樹而彼林樹一切人民為其作

所

四

十三

名号曰乞求所願皆得如是神樹

尔時彼城有一最大巨富長者名曰善覺而彼長者多有資財勢力自在無量畜牧所謂象馬牛羊駱駝及驢騾等無所乏少豐饒五穀多有奴婢音聲妓妾估客作人真珠琥珀琉璃頗梨琰瑪瑙白玉珂貝金銀銅錢衆

事具足無所驚關其長者宅猶如北方毗沙門天大王宮殿一種無異

時彼長者無有男女所有親眷來往之者作如是言謂仁長者若仁自知仁家巨富多有勢力略說乃至衆事備悉但仁家中無有子息而此城外有一神樹名曰乞求所願皆得彼樹若有男子女人來從乞求兒女皆得長者何故不往詣於彼樹邊乞求索男女若能乞者必應得生男女不疑勿令仁家種族斷絕時彼長者報其一切諸親族言何有是事而彼樹木無識無情若能與人男女願者無有是處凡男女者皆由父母先業因緣或復福力而得男女而彼人言我等自身各親祈請並彼樹邊得於男女以得願故至彼樹所作大供養報償彼樹時彼長者諸親眷屬再過三說慇懃勸請彼長者言汝大長者不可不信彼樹實能如是與願彼已得男彼已得女長者但去彼樹能與仁之心願索男得男索

女得女決定無疑

佛本行集經卷第三十四

十四末

所四

箕宿

其反居

映

徒結

朴

反普

角反

又

流靡

彼下

苗

濯

濁吃

說音

嚙

法上

音

崑崙

崑崙

崑崙

崑崙

崑崙

崑崙

崑崙

崑崙

崑崙

幽邃

反下

深也

棄捐

下上

音

輞

輞

輞

輞

輞

輞

輞

輞

軸鋼

下音

百卉

下許

反

斃

一計

完兒

二戶

官反

黑

黑

黑

黑

露果

反郎

相核

下正

反

稟

稟

稟

稟

稟

稟

稟

稟

稟

盧悵

快上

下丑

向

反

同

寺

繒

繒

繒

繒

繒

繒

繒

孔反

一音

翁

下

報

賽

再下

桑

畜

牧

木下

音

估

客

音

講

一音

畏

下

報

賽

再下

桑

畜

牧

木下

音

估

作

賈

珂

具上

反

苦

騫

闕

上

去

反

反

反

反

佛本行集經卷第二十五

所五

隋天竺三藏法師闍那崛多譯

耶輸陀因緣品下

尔時善覺大富長者以諸親族數數慇懃共相曉喻乃至第三苦切勸諫而彼長者意中不已即將家僮賈持大斧斲箕杖鋤及諸鋤

與日